

# احزان وطن

شعر

عمار الفار

8  
F





القاهرة فى ٢٠١١/١/١

حقوق الطبع و النشر محفوظة

الإخراج الفنى و الغلاف

م / عبد الحميد بكرى

# أحزان وطن

شعر / عمار الفار



إهداء

إلي روح والدي  
رحمه الله

عمار الفار





فلاح وبسأل على مهلي

جايين نسال وبستفسر  
عالي اتغير في الدستور  
بس الأول . عايزين نعرف  
معناتوا إيه هوّ الدستور  
هيّه هدم . مش هاتدم  
لما تدوب عايزه التغيير  
طيب ماشي . هاتوها باطسطا  
رضا وأسطى  
مش عايزينها تكون كاشمير

بس الأول. عايزين نعرف  
معناتوا إيه هوّه الدستور  
حد يقولّي . انا ما عرفهوش  
لو كان صابون . مجربتوش  
حدانا في بلدنا بغسل وشي  
من غير صابون ولا نشفهوش

خوفي ليكون دا وزير متسلط  
دمّه ثقيل وما بقبلهوش  
لو الدستور راجل غلبان  
هامسك فيه ولا غير هوش

ويا خوفي يطلع زي زمان  
مش ناقصين أحكام قراقوش  
على الفاضي يحبس والمليان  
لما خلاص هايقلد بوش  
في عرض النبي . مش حمل سياسه  
معنى الدستور . انا مافهمتوش  
بس الأول . عايزين نعرف  
معناتوا إيه هوّ الدستور

مش عايزين تصيف في أوروبا  
ولا عايزين نسكن في زريبه  
عايزين الأولاد تتربى  
فعيشه مليانه . صدق وطيبه  
عايزين عيشه . تكون مستوره  
ونفس راضيه ماهيش مكسوره  
مش عايزين . أحلام في العالي  
ولا أحلامنا تبات مقهوره  
بس الأول . عايزين نعرف  
معنا تو إيه هوّه الدستور

ولا حدّش يتنقور على جهلي  
فلاح وبسأل على مهلي  
لما أنا بسأل عالْمذكور  
المخفي اللي اسمه الدستور  
ياتقولو هولي . وعرفو هولي  
مانتو حبايبي وناسي وأهلي

وسألت قريبي المتعلّم  
معناتوا إيه هوّة الدستور  
رح مرا عيلي وبص وبلم

وقال لامؤخذه ياخويا اسمحلي  
لما تلاقى المعنى الأصلي  
يبقى ساعتها تعالى اندهلي  
محدث يتتقور على جهلي  
فلاح وبسأل على مهلي

انفلونزا الطيور



ديك بيحب فرخه  
واتواعدوا عالجواز  
ونده بأعلى صرخه  
وبفخر واعتزاز  
جوازنا هاييقي علني  
ولا يوم هاييقي عرفي  
والعشه هاتبقى سكني  
وأعطيك بعرفي  
وفراخ حوالينا تكاكي  
لحد الفجر ما يدن

وها عيش على طول وياكي  
لحد العمر ما يأذن

ضحكت لهم أيامهم  
فرشت لهم أحلامهم  
وفجأه لاقوا كلامهم  
سراب ماهوش حقيقه  
ونفوسهم البرئيه  
ضحيه للدنيئه

يا فرح ليه ما تكمل  
لو تكمل تبقى أجمل  
وتفرح العرايس  
ولاً انت في الهجائيس

انفلونزا يا غبيه  
يا قادره يا مفتريه  
الديك كان نفسه يفرح  
يتجوز وروريه  
والديك مات وسابنا  
نحقق في القضييه

اصل الفراخ حساسه  
ما تحبش السياسه  
ولا تحب النجاسه  
وبتكره الخساسه  
ولو حبة كياسه  
تقهم ايه القضيه  
مين اللي قاصده يقتل  
الديك والوروريه

وبلدا قالآه

وبلدنا قالت آه  
صمتك بيوجعني  
وياريت بتسمعني  
ساعة ما أقول الآه

وبلدنا قالت مين  
يا ولدي يا مسكين  
هايداوي يوم جرحك  
مغلوب على أمرك  
يا ضنايا طول عمرك

لما يطول صبرك  
عالي شرب دمك  
يا ولدي يا مسكين

وبلدنا قالت ليه  
آخرة دا كله إيه  
مظلوم وتصبر ليه  
لو كان حجر كان ثار  
وحطم الأسوار  
يمسح بإيده العار

وبلدنا قالت ليه  
مظلوم وتسكت ليه  
اصرخ بعزم الصوت  
ولا تخاف الموت  
اصرخ في كل مكان  
وزلزل الأركان  
اصرخ وريحني  
ضهري يا واد محني  
وصمتك بيجرحني  
ونفسي تفرحني  
تصرخ حمم بركان



تسقط جدار البيوت

تسقط جدار البيوت  
يخرس لسان الوطن  
أطفالنا تنزف تموت  
والدم أرخص تمن  
يا وحدة العنكبوت  
وطن خيوطه وهن  
ما تدوق صغارنا القوت  
تموت والنخوه تموت  
ويموت معاها الوطن  
يا وحدة العنكبوت

جَتُّوْكَ

جَتْلُوكْ بِرِصَاصِ الْغَدْرِ يَا ضُنَايَا  
جَتْلُوكْ بِلَا جُرْمِهِ وَلَا حَكَايَا  
كَانُوا شَدُّوا مِنِّي جُلِّيي  
كَانُوا شَدُّوا مِنِّي حَشَايَا  
وَلَا يَجْتَلُوكْ  
جَبَلٌ أَمَّا تَجَوْلِّي يَا أَمَّا يَا

## عشان رغیفین

عجوزه قاعده تحت السور  
وبتعيط بصوت مسموع  
وانا ماشي على شُغلي  
قولت اشوف إيه الموضوع  
قالت لي يابني أنا فعرضك  
الولاد هاتموت م لجوع  
أبوهم إيني غاب عني  
ومش باينله يابني رجوع  
طابور ساعتين وانا صابره  
لحد ما جالي ضربة كوع

وانا مش حمل دي مهابره  
ونفسي يابني راح مقطوع  
عشان رغيفين  
ورحت الفرن طوآلي  
أجيب لها عيش  
لاقيت الفرنه مزحومه  
تقولش الجيش  
ولا شوفتش رغيف طالع  
ولا نازل ولا راجع  
حاولت ادخل على الشباك

لاقيت الألف ميت مانع  
وشدوني وشتموني  
وزنقوني وفعضوني  
ووقعت الأرض وداسوني  
عشان رغيفين

وقلت يا واد خلاص هانت  
وش الفرنه اهي باننت  
ولحظة دخولى خلاص حانت  
ولما ناديت على الشباك



صاحب الفرن استقبلني  
بكلامه الحلو راح قاللي . يا زباله  
يا ولاد الكلب يا لمامه  
وطبعاً مش قاصده يزعلني  
خدت الشتمه في جنابي  
وبلعت ساعتها انا لساني  
عشان رغيفين

عنها وجه بتاع التموين  
قلت القطر هايدوسهم  
إن شالله فدايه .. يارب آمين

لأقبت الباشا ببيوسهم  
وولاد الست ياناس جعانين  
والباشا بيقبض في فلوسهم  
والباشا حرامي وفاكره مُعين  
جاته زفت يعوصو ويعوصهم  
وعدًا ساعات وانا واقف  
عشان رغيفين

وجبت رغيفين بالتيله  
وهدومي ياناس بقت نيله  
ولا تتفع فيها الحيله

يا فرنه جعانه وبخيله  
وكل دا عشان رغيين

والعجوزه اللي تحت السور  
خرجت لاقيتها ياناس ماتت  
احرك فيها ولا حركه  
انادي عليها ماتردش  
خدت تأشيرة الآخره  
خلاص ماتت

وفايدي العيش . ياناس رغيين

ولا عارف لها عنوان  
ولا اتعرف عليها انسان  
فتشت جيوبها  
ما لقيت غير نص جنيه  
ولا بطاقه ولا كارنيه  
ولا عنوان ناخدها عليه  
ما تقول يا وطن . حاك ايه

زعلان منك يا وطن  
فقيرك ليه من غير كفن  
ومالوش كمان عنوان سكن  
وحاله مهين وشكله كأيب  
ويموت في وسط بلده غريب  
جعان  
عشان رغيفين

المواطنة

المواطنه

ماهيش وساطه ومحسوبيه

المواطنه

ماهيش حذاءه ومفهوميّه

المواطنه

يعنى مواطن له وطن

وله حياه وله كرامه وله سكن

وله إرادته وله سيادته في الوطن

وعليه يكون وقت اللزوم جوه المحن

ويكون برئ ويكون جريء وقد المسئوليه

المواطنه

ماهيش وساطه ومحسوبيه

المواطنه

انك تكون مسئول على تأمين بلادك

المواطنه

انك تكون بتبني مستقبل ولادك

يعنى المواطنه بالتعاون والمشاركه

لابد يوم تبلغ مرادك

وهانلاقيها ونحيا بيها

على طول في أيامنا اللي جايه



المواطنه

ماهيش وساطه ومحسوبيه

المواطنه

ماهيش حذاءه ومفهوميه

ماكنش العشم

ماكنش العشم يا جميل  
ماكنش العشم يا أصيل  
انك تز علني وقت امّا حالي يميل  
بمدلك إيدي  
عبرني ياسیدي  
ماتشوفني عایز إيه  
ولا انت رأيك إيه  
لو يوم تشاورلي  
دا یبقی يوم عیدي

شاور وانا ازحف لك  
على بطني واجيلك  
صدقني بحلف لك  
طول عمري بدعيلك  
بمدلك ايدي  
عبرني ياسيدي  
يا وطني يا أبويا  
وابني وحفيدي  
مقدرش على زعلك  
واصبر على فعلك

صدقني يا وطني  
انا ايه بيربطني  
بمحبيتي ليك إلا خوفي عليك  
بمدلك ايدي  
عبرني ياسيدي  
يا وطني يا أبويا  
وابني وحفيدي

کیف تبع عروبتنا

كيف تبیعُ عربتتا ... بحفنةِ دنانیر  
ما أبخسَ الثمن  
لو قسّمت على عددنا الغفیر  
تُرى ؟ بكم تشتري طفلاً عربياً ؟  
وبكم تشتري حلاًماً على وسادةٍ سریر  
وبكم تشتري رجلاً غنياً  
وبكم تشتري امرأةً حبلى  
وبكم تشتري شيخاً فقیر  
وبكم تشتري العزة والكرامة والعروبة  
وبكم تشتري الضمیر

بكم تشتريني سيدي  
فأنا بمليّماتٍ بشيء يسير  
اشتريني سيدي  
فأنا عبدٌ حبشي  
بل أقصد عبداً عربي  
إن شئت عذبتني  
في لهيبِ الشمسِ أو رياحِ الزمهرير



اشتريني سيدي  
فأنا أجيدُ صنِيعَةَ نومِ العازبِ  
وعجينَ الفلاحةِ وخبزَ الفطيرِ  
اشتريني سيدي ... اشتريني  
مهلاً سيدي ... لقد نسيت  
إن كنتَ عربياً  
فلا تدخلِ السوقَ ولا تشتري  
لأنك مُبَاع  
وهل يَدْخُلُ السوقَ لِيشتري  
من كان في السجنِ أسير

فمن للقدس

ومن يضيئ شوارع بغداد

ومن يحنو في الظلمة على الأولاد

ومن يكسر عنّا طوق الإستعباد

ومن يُخرجُ مِنّا خوفاً للأوغاد

ومن يَقتلُ جُبناً يَنبُتُ فيه كلُّ فساد

## وحياة صليبك وهلاك

وحياة صليبيك وهلاك  
عدونا هوّه الهالك  
وأيدنا واحده وعلم أكيد  
سنين حياتنا هاتهنالك  
يا مصرنا إحنا رجالك  
وحياة صليبيك وهلاك  
عدونا هوّه الهالك

ويا مصر إيه مالك  
الفرح بيسبيك

هزِّي بقا هلاك  
واحضني صليبك  
يا مصر يا غاليه  
يامُ الهمم عاليه  
دانا قلتي ماليه  
عطر من طيبك

يا حكايه يا حدوته  
نقطفها مالتوته  
يا صرخه مكبوته  
لضناكي وحببيك

مد ايدك

مد إيدك يا أخويا وخذ بيدي  
مد إيدك ياللاً ننهض بالبلد دي  
مد إيدك ياللاً مالأخطار نعدي  
مد إيدك كلنا قوه وتحدي

أنا راجع بكره أغنيك  
وهابص نفسي فقنديك  
سامحيني يا أمي يابلا دي  
وضمي طموحي وعنادي  
ماقدرتش أصبر فبعادي  
وراجلك أشرب من نيلك

دي بلاد الغربه ماتحلالنا  
وسنين العمر ماتهنالنا  
وبنمشي ونبعد ونسافر  
ونلف يا مصر وبنجيك  
ومد إيدك



الله عليك يا جدع  
واحنا رفاقه معاك  
ماشيين ورا خطوتك  
وعِدانا همه عِداك  
بتكون قدامنا يا جدع  
وقلوبنا ماشيه وراك  
بالاتحاد كلنا  
للمستحيل وياك  
ومد إيدك

النيل زعلان

عطشان يا صبايا  
دلوني على السبيل  
غنّوا ورثّوا ورايا  
إنت فين يا نيل  
ياللي عيونكم معايا  
راح فين السلسبيل  
والناس تعبت معايا  
وعملنا المستحيل  
غنّوا ورثّوا ورايا  
إنت فين يا نيل

والنيل زعلان .. النيل غضبان  
النيل هايهجرنا ويرحل أرض النسيان  
الحقوه - حصلوه  
شوفوه فين واستسمحوه

مش عيب عليكم - كان بين ايديكم  
تغضبوه وتزعلوه  
ويسيبنا ويسيب المكان  
الحقوه - حصلوه  
شوفوه فين واستسمحوه  
قبل ما يجري الزمان  
وقبل ما يضيع العنوان  
دا النيل زعلان .. منكم غضبان

والنيل مش بس بيسقينا مية محايا  
النيل بيسقينا العزه ويوهبنا الجاه  
حق النيل على أهالينا  
مطرح ما يروح .. بياخدنا وراه

وانتم فاكرين النيل  
عشان ما هو نيل زعلان  
ولاً فاكرين النيل  
بيتبغدد شكل النسوان  
أبدأ يا ولاد

النيل طول عمره بيدينا عبر الأزمان

النيل طول عمره بيسقينا

إخلاص وحنان

النيل طول عمره بيحضنا

والحضن آمان

النيل طول عمره يعلمنا

حب الأوطان

انتم فاكرين النيل

عشان ماهو نيل زعلان

ولاً هو يعني هایتأثر  
لما بیسقیلنا کام فدان  
أبدأ یا ولاد

الحقوه - حصلوه  
شوفوه فین واستسمحوه  
قبل ما یجری الزمان  
وقبل ما یضیع العنوان  
دا النیل زعلان .. منکم غضبان  
وعطشان یا صابایا  
دلونی علی السبیل



## دعايه انتخابيه

يا بن بلدي يا حبيبي  
ياللي انت جارنا يا قريبي  
ياللي انت قسمتي ونصيبي  
ياللي انت حقي ومستحقي  
لو انت يوم حبيت تنقي  
نايب تديله الصوت بتاعك  
أنا أخوك أنا بتاعك  
أنا خدامك .. رهن صباeck

ءأمرني أنفذ في الحال  
طول عمري عشانك شغال  
دا انت سيدي- أيوه أمال  
لك وحياتك . رشحت نفسي  
لا انا طالب شهره ولا مال

بس انت لايمني على صوتك  
دانا عمري ما أتمنى سكوتك  
ولا هافرح مره على موتك  
ولا زنقه وشده راح افوتك  
بس انت لايمني على صوتك

في المجلس عمري ما هانام  
وهاطلق كل الأحلام  
وهافنجل عيني وهاصحصح  
وأهم عشانك واتلطح  
وهاتلقاني سبع همام  
في المجلس عمري ما هانام

ولا تديش صوتك غيري  
هامشيلك على إيدي ورجلي  
وعلى راسي لو كنت تحب  
بس اوعه تولف على غيري  
وتسيبني وتنساني يا طيري  
واعملكَّ قرد أبو صديري

حمدان حضرة جنابه

منفوخ بالكذب نفخه  
وماشي بيبرم شنايه  
ولا شيء في الدنيا همّه  
ولا شيء حاسب حسابه  
وهوّه في ثانوي لسه  
وزمايله في اليسانس  
أكمنّه واد بقُصّه  
وضارب الدنيا بانس  
على طول سهر ليلاتي  
ما بين دلع ودنس

وأبوه راجل عجلا تي  
وعاملي إكسلانس  
وحمدان حضرة جنابه  
مخبي على صحابه



وعاملي فيها روميو  
وطول السنه حبيب  
ورايح جاي يغني  
وعاملي عندليب  
يزعل لو قالوا ذاكر  
امتحانك عن قريب  
هايفضل طول عمره فاشل  
وبيعشق الترسيب  
خايف يبقی راجل  
يقوم يعدم شبابيه

حمدان حضرة جنابه  
ماشى بيبرم شنباه

والراجل العجلاتي  
أبوه .. م لحسره مات  
وحمدان قفل الدكانه  
وقام بايع العجلات  
وراح صرف تمنها  
عالبيره والستات

وحمدان حضرة جنابه  
أصلاً مالهش اخوات  
ما دفعش إيجار الأوضه  
من يوم أبوه ما مات  
وصاحب البيت قام طارده  
وخذ منه البنطالونات  
خد منه الجزمه رخره  
وقلعه الشربات  
وخرج من بيته حافي  
يلف على كعابه

يدور على أصحابه  
والكل كان يخلابه  
والفقر كمان يعضه  
والجوع غارز نيايه  
شوفتوا أيه اللي نابيه  
حمدان حضرة جنابه

يا فارس العرب

يا فارس العرب  
يالاً لملمنا في رداءك  
واحنا وراك ملايين  
هانصد أعداءك  
واحكم فينا وها نصبر يا فارس  
على ملحك. على مرك  
على حراقك  
بس أنت ياللاً يا فارس  
ويا خوفي نبذل دمانا  
في الوطن ببلاش

وانت القعاد عالكربي  
في الوطن داءك  
يا فارس العرب

## السجن مش قضبان



السجن مش قضبان  
ولا سجان يحبسنا  
السجن ما هو حدود  
ولا هي سدود بالحرمان تحبسنا  
السجن طوق مزنوق جوانا  
يحبس روحنا في نفوسنا  
السجن ضلمة جهل  
تحبس عقلنا في روسنا

عميان بصر ولأعميان بصيرة احنا  
ماشيين قدام ولأ واقفين في مطرحنا  
متكبلين ولأ .... مكبلين روحنا

يا ميت خساره يا عربي  
يا فارس يا ابو الشهامات  
يا ميت خساره وخساره  
عالنخوه والكرامات  
أنا حقيقي مليون مراره  
على الضمير اللي مات

## خلاص جاهزين للمقصلة

خلاص جاهزين للمقصلة  
والروس أهيه مدادلة  
ورجائنا متكفين  
وفي القيود مغلغة  
خلاص جاهزين للمقصلة  
حتى العلم ما نعرفوش  
وبنعرفه وما نطبقوش  
والسلاح ما بننتجوش  
ونشتريه وما نشوفوش  
وأكلنا ما بنزرعوش

ونشتريه يطلع فاشوش  
مليان بلاوي مثلثه  
خلاص جاهزين للمقصله

الجهل ساكن مُخنا  
والفقر قاسم وسطنا  
ومرضنا مالي بطننا  
والكذب مالي بقنا  
ومرارته ضاربه فحلقتنا  
ونفسنا متزلزله  
خلاص جاهزين للمقصله

أنا أمي مصر

أنا أُمي مصر ومنها سينا بتتسرق  
وبكل غدر كل شيء كان يتحرق  
الأم حطت عالتراب  
نامت بحسرتها  
قدام عينيها الكون خراب  
حاسه مرارتها  
والصبر ده رغم العذاب  
طريقها وسكتها  
الأم تمشي في الصفوف  
تواسي وتصبّر

وتقيض أيديها عالألوف  
تربي وتكبر  
وشبكت فينا الحروف  
بنقول وبنعبر  
وتقول يا ولاد  
رغم الظروف بكره هانتدبر



عالمبر سينا مغلفة بكل القيود  
وانا نفسي جريحه كسيحه  
عاجزه تعديلها السدود  
يا سينا يا حته مني  
إزاي يكون بينا حدود

أنا أُمي صابره وصبرها  
صبرا وشاتيلا  
مِيَّة قنالها دمها  
وهي القَتِيله

حالفه برغم عجزها  
ما تعيش ذليله  
وعشان ترجع أرضها  
ولادها وسيله

وبتتادي  
قوم ياللا يا بن بطني  
ياللا قوم وانتصر  
قوم ياللا يا سبع ثاير  
عمر ك ما هاتتكسر  
هاتلي الحريه هديه ولو تمنها الدم  
ولو بخلت عليا عدوك ما ينقدر  
سقط الشهيد على أرض سينا يبيتسم  
والموت خطوط جريئه  
فوق ملامحه بتترسم

قال سلم على امي وقولها  
بأمرك يا ست  
روحي هديه رخيصه  
والنصر لجلالك يتحسم

في اكتوبر زي النهارده  
بعد ما عدّا الزمن  
في اكتوبر زي النهارده  
ناس قبلنا دفعوا الثمن  
زي النهارده فرحتي  
زي النهارده حنتي  
زي النهارده  
شباب كثير من حنتي  
لاجلنا دفعوا الثمن

ولدي موت

ولدي كبدي .. نور عنيّا  
أعز ما ليّا .. موت  
عشاني .... موت شهيد  
ودي أحسنها موته  
روحك تطلع في السما  
أبعث زعروطه  
ومش هاحزن ... فيوم أبدأ  
ولا هازعل لأ دانا هاحبل  
بس هاحبل في قلب جاسر  
وحش كاسر

له مخاب ..... وبأنياب  
وعلى الفم ..... من العدا بيقطر دم

ولدي كبدي .. نورعنيّا  
أعز ما ليّا .. موت  
إنزف ..... وطنّا يستاهل  
في حقاك .... أوعه تتساهل  
عروبتك دي مش بالساهل  
ولدي كبدي .. نورعنيّا  
أعز ما ليّا .. موت



## ضاع العراق

ضاع العراق وانتهى  
لما اختفى صدام  
قالوا مات ولاً اتخطف  
ولا تحت ركام  
والسَّلام  
الأمريكان نجحوا ونفذوا الخطه  
استخدموا الخِسَّه للضرب في الإسلام

خرج الهرج . يلقي المرج  
مالي شوارعها  
يلقي الشغب . مالي البلد  
وايده في دراعها  
والأمريكان في كل مكان  
على تلّها قاعدين  
والناس بتهتف للعدو  
تشاورله بصباعها



يا عجوزه يا مكسّحه  
روماتيزم في ركابك  
اتكسفي علي دمك  
جاكي خبطه في جنابك  
بكره الأمريكان والانجليز  
بيجوا يهدّوكي  
ولا تقدريش ساعتها  
تورّي أنيابك

قالوا دمار شامل  
فتشوا  
ما لقيوا ولا نبه  
دخلوا البلد نهبوا  
ما خلوا غويشه ولا دبله  
قتلوا العيال والشيوخ  
حتى المره الحبله  
يا مسلمي العرب اصحوا  
دول يقصدوا القبله

شوية رعا ع في الميدان  
اتلمّوا على التمثال  
حجاره وطوب وشباشب  
على وشه ليه تنهال  
ماكنتم بتبوسه إيده  
والكل عامله سيده  
إيه غيّر الأحوال  
والرايه سلمتوها بإيدكوا للأمريكا  
ماهي بتضحك على الجهله  
وبتشترى الأنдал

امريكا تعطش اطفال بغداد  
عشان قدام الإعلام هما اللي يسقوها  
امريكا تجوع النساء والشيوخ  
عشان قدام الإعلام  
يرمولهم لقمه ياكلوها  
امريكا هدّت بغداد على روس العباد  
لاجل مايجوا في الأعمار  
همّا اللي يبنوها  
وياهل ترى لما قتلت ولاد بغداد  
وياهل ترى لما قتلت ولاد بغداد  
هايجوا تاني يحيوها



افہم یاتور

افهم ياتور من أول دور  
رحايا دايرة عليك بتدور  
سبقتك أنا و عليك الدور  
أوعى تخاف من ديب مسعور  
أوعى تفكر مرة تسلم  
توطي الراس و تبات مكسور  
و افهم ياتور

أوعى توطى فى يوم الراس  
إياك تقبل تبقى مداس  
شرف وطنك موت بحماس  
و اوعى تخاف من وش عدوك  
و من العار شرفك يتعاص  
و افهم ياتور

افهم ياتور يا اهل يا عبيط  
أمريكا شبت فينا تخطيط  
بتقسم البلدان قطايط  
و تمسك الفرسان ملاقيط  
و تخاف من التور اللى بي فهم  
و بتنزل على الأغبيا تخبيط  
و افهم ياتور

## فهرس

٥	إهداء .....
٧	فلاح و يسأل على مهلى .....
١٤	انفلونزا الطيور .....
١٩	و بلدنا قالت آه .....
٢٣	تسقط جدار البيوت .....
٢٥	جتلوك .....
٢٧	عشان رغيفين .....
٣٦	المواطنة .....
٤٠	ماكنش العشم .....
٤٤	كيف تبيع عروبتنا .....
٥٠	وحياة صليبك و هلاك .....
٥٢	مد إيدك .....
٥٦	النيل زعلان .....
٦٤	دعاية انتخابية .....
٦٨	حمدان حضرة جنابه .....
٧٥	يافارس العرب .....
٧٨	السجن مش قضبان .....
٨١	خلاص جاهزين للمقصلة .....
٨٤	أنا أمى مصر .....
٩٢	ولدى موت .....
٩٦	ضاع العراق .....
١٠٣	افهم ياتور .....
١٠٧	فهرس .....

رقم الإيداع بدار الكتب

٢٠١١ / ٢٦٦٨

  
**دنيا الفنون**  
للطباعة والتغليف

ت : ٠١٢٢٥٩٦٨٥٢

فاكس : ٢٦٥٣٨٣٨٧

E-mail: d.elfnon@hotmail.com





و بلدنا قالت آه  
اصرخ و ريحني  
ضهري يا واد محني  
و صمتك بيحني  
و نفسي تفتني  
تصرخ حمومي

Bibliotheca Alexandrina



0808525

717  
015

